

道古堂詩集

道古堂詩集卷十五

仁和 杭世駿 大宗

桂堂集

題皇甫

鮑

秋林讀書圖

老而好學袁伯業貧更嗜書董仲玄二者於君未知孰
比並但少滿林秋葉紅燒天赭虬卵熟霜力透蟲蟻不
敢輕雕鑄尋收有意媚幽獨亭午日脚長漏穿有時因
風墮一片騷屑祇解打瘦肩經神於此坐攤卷緇帷之
息或庶焉請言讀書大不易書城蕩蕩誠高堅惠施五
車誰得見安世三篋記未全君家士安樂耽翫書淫美

號世所傳卓哉後起在吾子六學一一煩疏箋興酣摘
葉可代紙立說矯矯無頗偏要從孔會會大意豈在盜
竊窺陳編暇將從子執都養閉門掃葉炊寒烟

題程

莖

張莊探梅詩兼悼天瓶司寇

殘雪流澌長碧瀾梅花清絕玉如寒庫篷廿里溪橋路
又向程郎卷裏看

簪毫朶殿日相於說著梅花尙憶渠今日雪溪消息斷
紅羅亭下哭尙書

小集吳山延慶山房

苦無瘦策恕登臺覓取花壇覆酒盃千頃銀瀾穿鳥過

兩行晴綠到窗開清遊共有棲山志迴望誰懷弔古才
笑倚危欄頻指點天風仙樂忽飛來

十二月八日集瓶花齋主人以臘八粥供客聯句

歲序何崢嶸

周京

星紀忽已而八葉抽堯莫

金志

五德

重漢臘吟社邀禳聯

厲鶚

山館喜簪盃浴佛東京遺

梁

心設供西竺法漑金精作糜

丁敬

析薪燎以蠟果兼檜

殼膚

世駿

米槩升龠合釋之復揉之

全祖

載剝還載招

瀘泉力斧冰

顧之麟

蒸餈氣焚藕汨汨醅泛缸

吳城

濃濃

乳傾榼宿辦勝咄嗟

丁健

早起占噉嗑坐疑集梅林

江

淑圍如禮花塲不待木魚呼

京

何煩齋鼓鞞素甌滿同

盛志章淨饌齊一呷甘芳滑流匙鷄磊塊利用挾羣唳

訝水鳧啓心餘瀝施簷鶴口香聞諸天敬腹果傲古衲

利益瞿曇云世駿家風宗靖禽緬思烹穀初祖望軒后

澤溥洽玉井象昭垂之麟橐籥紀職納人皆依食住城

俗始理生陞貴或糅玄黃健三品侈和雜貧或點齏鹽

啓淑七寶想嘜嚙或詭名目奇京料斗說闐闐或因衆

指繁志章舖歎沸吹飲無傳放翁詩鷄膏載叔庠劄寒

持濟軍飢啓心晨炊恤僮乏何如我輩閒敬文史共歡

狎蜡飲用上寅世駿談議資某甲嶺梅吐萼纔祖望山

茶破紅恰騁辭筆紛飛之麟搜祕神有塔節物鬪朋牋

戒

故事徵梵夾流連至纒黃

健

新月照簾押

啓淑

題施謙探梅圖

漉漉霰雪交寂寂寒梅發遙峰耿積素迴望興先越不
見釣艇橫行防石橋滑荒竈徑始窮凍磳響復歇疏花
出橫枝一一瘦銅骨因風颯光炯向客更醅醇吟詩就
龕鏡晚飯枯禪窟閉眼西谿遊清夢遶烟月

春分後三日湖上

鬆泥迸笋草抽芽驚道春分已過耶積雨借湖三捺水
暖晴烘寺一林花坐攜老伴吟情健權指南屏逸興加
向晚愛添寒料峭東風吹出浪紋斜

和黃司馬 剛琬 追悼姬人三首

判花刺史墨爲莊，逃迭猶慳一兩香。
才德旣優何況色，那教荀令不神傷。

頻煩妙手寫真真，可惜如花不惜春。
碧海蒼茫經歲隔，玉釵羅袖又生塵。

桐花落盡閉重闌，帳裏神來望又非。
一段清愁消不得，黃昏微雨玉蟲飛。

周運判蒙 恩免歸道過武林志喜

萬里投荒可憚遙，鴻恩似海喜君邀。
辭家馬角虛勞，視望 闕雞竿不用標。
戍堠未攀秦塞柳，歸程偏戀浙

江湖酬知尙有文章在
爛醉狂歌判此宵

泛舟北郭憩蓮社精舍

喚艇緣烟郭
娛衰免瘦蕪
溪光孤寺得
花事晚春仍
熟徑憑鷗導
新詩借竹騰
歸愁林雨黑
欲乞佛前鐙

周學士

長發

將還

朝枉過桂堂話別

喜脫征衫此暫稽
午風不動一蟬嘶
豈無詩卷供俳笑
小有軒窗待品題
玉署君仍參國議
茆堂我自穩林棲
廿年遊好嗟零落
話到燕山意轉迷

夏日湖上

出郭乘清曉
夷猶到寺門
佛鐘當檻散
漁艇過橋喧
洗

手歆荷葉移杯就竹根滄浪高興在不共野人言
船尾安茶具清波共酌斟推篷嵐翠入近寺柳絲侵題
竹招烟客垂綸狎水禽漫遊吾意足何必入山深

湖亭送查郡丞禮之粵西

人向南天日倍長仙舟小住水雲鄉羨君佐郡年方壯
笑我歸農興尙狂莫以跼鴛愁馬援更因此馭重王陽
崢嶸五管無由到回雁頻頻寄一行

題許承祖焚香默坐圖

琅玕萬个寫幽清人在湖堂夜正晴山鳥不鳴林月上
時聞落葉打階聲

穿階流水日瀰漫
紙閣徐教一榻安
似向雜華林下過
逆風聞處是旃檀

禪火燒殘熱惱蒸
算來只有靜相應
蒲團學得觀心法
不是南窗打睡僧

天寧具公招集蓮社僧房

規取金焦結化城
一袈裟地綠蘋生
屏添瘦影人初到
桐送新涼句易成
齋鉢已煩花雨洗
釣牀喜就雪鷗盟
何因得飽松花飯
始信諸天亦有情

湖上迎秋

打槳迎秋向水涯
遠空如洗眼重揩
待看西爽招吟袂

忽送輕陰散酒懷
馴鷺浴波荷委港
孤蟹啼露草沿階
歸來醉倚梧桐樹
一葉先零在小齋

桂堂池上秋花以閒居賦中華實照爛四字爲韻
分得爛字

高雲映空薄活水循除漫
一雨天公慳秋花色彌爛生
我廣庭中環列曲池岸
墻根一叢吐階下千枝粲
撐涼瘦葉森縮仄蒼藤曼
妍妍弄幽姿亭亭挺脩幹
依巖轉秀媚侑竹不凌亂
因風拂琴薦借月照書幔
無須籬樊遮時用井華灌
不謂空明境獲此錦繡段
喜免俗駕窺幸際炎景換
擬補江淹頌方期宋祁贊
蕭閒四秋士牽

拂過山館佳時愜幽尋小草恣流翫地偏竟忘貧談深
時送難鬪豔抽妍思卽景役柔翰詩題記歲華花品待
月且預愁打門喧傳寫徧鄰閭

京師書至連得戚友惡耗詩以當哭三首

族子邑丞

必成

生憐玉樹竟摧殘凶問迢迢託耿蘭千載風流希小阮
廿年辛苦守卑官河壩暮雨魂應痛潞水秋風骨未寒
手把遺詩正清絕挑鐙揩淚幾回看

馮黃門

秉仁

七年分手邈風期豈意逢君命盡時峭華望窮慈父淚

江湖信杳故人悲
掖門空想從容度
驄馬猶欽颯爽姿
感激

聖王方嚮用九原
何以荅恩私

門人張進士

田

草驢秃尾入都關
身後銘旌一命慳
金馬迎神千驛迴
青蛤歸匱萬山環
芳時歎息從今歇
吾道評量自昔艱
賸有布衣頻俾浣
因君清淚漬斑斑

同人釀酒桂堂爲吳

城

祝五十初度用東坡八月

十七日天竺僧送桂花分贈元素韻

桂寶餐完倚桂眠
眞應喚作桂堂仙
吾家近占東西屋

此樹曾經大小年，細乳上扶朝露重。蟠枝橫貫晚雲妍，
姮娥貪看人間樂。時送清芬到酒邊。

重九日瓶花齋席上送汪五沈往叅湖廣制府新

尙書軍事

清秋逢九日，相送孟叅軍。偉略吾真羨，孤懷迥不羣。
醉題神女廟，晴弄九江雲。試與論三楚，囊中有舊聞。
九派尋陽水，能流萬古情。上游雄府地，記室盛才名。
邊境烽烟息，豐年米價平。祇須凌彩筆，坐嘯亦風生。

雨集篁菴

前宵索飲又今宵，笠屐能來破寂寥。荒井碧苔秋漠漠

閒房修竹雨瀟瀟人如野鶴身長健句學孤僧格更超
此段清寒誰畫出經龕圍坐一鐙挑

同作

錢鼎

金志章

繪甫

精藍不隔小橋東屐齒相尋竹徑通入座雨滋秋蘚
碧彈碁風颭佛簾紅難教結習空文字暫喜龕燈對

寓公

時全榭山借寓菴中

盡醉不知歸路滑超然吾已出塵籠

送徐叅戎

清

之官武昌

中流笳鼓北郵程折贈剛逢菊始英繞郭黛峰含遠色
照舷紅樹寫秋聲地當荆楚雄兵處詩負幽燕老將名
天塹試教橫槩看早知懷古有深情

十月十二日集瓶花齋對菊食蟹聯句

詩盟趁冬閒折柬踐佳約登高已後期別京良會欣有

託清言苔吟蟀朱樟勝友占噪鵲侵窗短景紅金志映

戶蕭雲藪弈隨握槊為戴延句間捶琴作主賢善娛賓

厲鷄佇興非寂寞益菊正爛斑汪臺儻蟹殊磊落鄉物

吳俗同梁啓雅事晉人各把玩掇其英丁敬拍浮佐此

酌京兆誰所餉世駿酈縣古云樂中央后衣明張湄外

骨士介薄性躁喜未糖全祖味甘宜入藥香堪制頽齡

施安雋適供大嚼元黃血初凝江汝紫白色交著微名

錫延年吳城解經詮郭索輸魁芒在腹京除蠹葉留脚

水仙薦可分樟霧女出應愕潮上見蛻餘鷄月中合栽

却一枝烏帽斜志章幾輩寒蒲縛鳴蓋聽隔廚廷熺采

杞伴攜鏹風莖看微動臺霜殼恣羣掠摹形尖團異啓

心繪影濃淡錯漫詠屈子騷敬匪逃秦客瘡湯官笑蹠

跚世駿圃師愛成削花經品或差瀨食指動能博瓠大

詫輪囷祖望錢小憐灼爍朶休冒雨尋鷄螯只如雪斫

洗手饌法新安照眼秋思昨豔披愚齋譜汝器饗續疏

寮略羊何坐不無京韓孟體相若排比費蒐羅樟削鬪

資盟曠朋歡忘宵長城燭炮轉街櫟志章

桂堂席上送張徵君庚還長水

徵書未足慰幽潛萬里歸來貌更恬京國朋歡半淪謝
菰蘆詩格獨清嚴鈞簾漸喜寒威減把盞俄驚別緒添

史學政須窮地理昔儒疑處向君拈

君著綱目地理刊誤方成

題程上舍

名世

風雪歸舟圖

朔風送客一程貪擁絮孤吟髮未簪篷底冰花篷背雪
荒寒山色畫淮南

哭孫觀察

陳典

玄陰黯黹眇愁予細數君才那得如晚節聲名邀

帝鑒窮邊心力瘁軍儲魂歸越水途真迴星隕樊城怨
有餘篋裏素書慚未報九京何計慰離居

送門人孟

侯

宰歸化

愛爾河東秀之官正妙年蘭橈江月送竹轎嶺雲穿海
邑徵鹽稅潮鄉仰蛤田好成風俗傳早晚報吾前

寒食日集無不宜齋梅花下用元華棲碧過翟氏

草堂韻

平生邱壑愜心期特揀芳辰喚杖隨獵酒頗宜新雨後
探梅已過早春時吟風小鳥清于笛照水橫枝瘦似詩
如此嘉攜莫輕負試圖主客問張爲

仁和

翟

灝 晴江

隔年花事荷幽期未辦櫻鞋竹榼隨閉戶尙餘春一

樹倚檐如望客多時清尊相對微過雨薄暮無言巧
索詩待綴暗香疏影句恐嫌牙後拾江爲

題徐五

以漆綠點野屋圖

徐君老屋臨餘不門前活水青瑤鋪翩然愛向邱壑住
金鷺舊是神仙都石壁蒼深太古色挨徑環廬點四列

戢戢何止三十株

坡詩稱杉戢戢三十株

非檜非松非栝柏啁啾

鷓雀不敢巢鼯鼯騰擲哀猿號天公作意灑涼雨但聞

清風拽攪聲蕭騷葦山架宇轉帖妥緣厓縛柱長堅牢
開軒正對玉龍挂御氣擬挾雲將遶步欄窈窕通仄嶺
瘦葉鬖鬆弄秋影冷月下射老魅潛淒露微零孤鶴警

知君欲發龍威藏充廚先聚三月糧憑空役使千指管
雕鑿混沌開天荒土曠糶豐百需足薪供樵炊皮蓋屋
緘書特報對牀人梯磴能來伴幽獨謂賢兄以震

贈金觀察志章五首

江上銀濤滾滾催草堂剛對曲江開橫襟坐攬千峰秀
放筆平添萬壑哀海國蒼茫徵故蹟霸圖銷歇出驚才
城南不少豪韓愈眼見低頭下拜來謂朱樟范肇新丁敬諸宿老

鳳池緩步接華簪益益春溫溢素襟結陣曉鴉催傑直
翻階紅藥鬪清吟坐陪將相謀謨密手捧絲綸寄任深
鵠立殿頭仙仗簇日華開處在班心

兩鎮雄藩控制長防秋千騎繞邊墻龍門山遠開天險
馬市臺高壓大荒霜戟曉連沙草白蜺旌晴捲塞塵黃
風生坐嘯尋常事難得威棱愴朔方

天遣溪山著此翁漁簑樵笠幾春風長身野鶴踏階並
捷足飛猿上嶺同入社正思尋慧遠移書底用絕山公
紛紜宦業看兒輩往事雞蟲一笑空

卅載論交洽紀羣辦香心奉豈徒云狂來我就批鱗集
宋張景文有批鱗集五十篇歸去公傳誓墓文海內清流餘幾輩尊

前明月止三分相逢不用歌難老細嚼黃花話舊聞

佛桑四絕句

一叢紅豔映廊腰不肖編籬傍竹梢好是尉陀臺畔望
珠孃顏色比應嬌

歷夏經秋任意開朱朱白白費疑猜海東若許移根種
也見團團日出來

陀羅薜蔔並紛敷贏得佳名震且呼初日才烘花正笑
折枝先合祭休屠

絕少濃香撲畫闌更無輕瓣可飄殘朝華謝後斜陽墮
莫要燒鐙仔細看

舒明府瞻載酒桂堂雅集卽送之山陰

愁霖幾日閉書巢送酒何來自板敲共愛晴曦穿樹罅

要看新水浸山坳深盃未落紅花綻短屐才過碧蘚交
此去越中剛晚飯細炊雲子待君抄

同作

施安

草堂觴咏笑頻仍轉巷無煩策瘦藤白髮何嫌幽興
劇新晴翻覺薄寒增苔皴疊石秋花亂風定荒池野
水澄冷節匆匆旋錄別扁舟潮落望西興

秋日過慈恩山房

三里河橋路秋光在寺門問花逢鳥下得樹共僧言活
水經時繞涼陰向夕屯翛然二三子幽異至今存

題趙

殿晨

聽松圖

吾友醇謹士恒以禮自束入世惟遵諭俗編傳家自著
敦交錄木序時聞借客鈔松枝未肯逢人捉畫師籠東
不曉事箕踞科頭妄相目從來至慎數阮生宣王一語
稱定評詠懷亦復寓妙理沈醉豈謂非高情先生卜築
臨溪宅慕阮何曾襲其跡石牀風亂讀殘書只對長松
坐終日礫石意氣青冥上手掬松花合溪釀寬鞵瘦襪
愜幽期漏雨梳風結清響往來不少白石樵斧柯差喜
今無恙他日相期刷茯苓我過頭一枝杖

吳山秋眺

幽懷愴無豫策杖叩巖扃與客憑高閣懷仙坐石亭竹

風穿樹響山色過江青無藥醫凡骨凌虛學鍊形
好山宜屢到勝友許相攜徑草盤秋迴江雲逐望低
聲仙院路黃葉酒家蹊卽此淒清意誰能泚筆題
甲子荒村住時時到上頭猖狂狎嵇阮嘯咏共應劉
回首浮雲改驚心逝水流莫嗟搖落候且醉竹間樓
罡風穿樹杪吹我墮層巔疊嶂澄秋氣孤帆接遠天
眞無俗物身豈挾飛仙好境沈吟久歸船枕手眠

送蔡

家庭

高國

兩秀才還永嘉并寄趙廣文

鎮

打門聲急雨聲頻二妙衝泥自海濱苦愛清詩能入細
況兼妙畫久通神庠篷尙照來時月晚飯平分別後春

道中集卷十五
三
愁絕江東今歲歉一稊誰念廣文貧

綺石齋觀宋劉益之所畫梅竹錦雞用山谷老人
題劉永年畫角鷹韻

癡人到老癡無敵愛玩丹青坐成癖高齋清閔日日來
慣見山禽呈五色山禽耿介心如鐵懶向遙天騰逸翮
羽毛綽繚空抱山情知不得文章力竹竿挺翠梅花白
山石哈呀皴法黑丹黠粉黠神氣存張向輝輝雪色壁
時翹長尾彗寒雲肯借文身流妙墨癡蹲豈畏鷲鳥搏
仰視何嫌腐鼠嚇劉侯竒想盡通靈宛似山雞舒繡臆
蚤春待詔殿西頭寫出雄姿常中格浩劫銷沈六百年

敗素零縑有誰惜
囊中肉眼久紛紜
此畫君從何處得
消寒分詠得火箱

一箱髹漆櫪而修
巧匠規形熅火周
持較地爐便徒置
評量炕寢欠溫柔
高眠不待黃綢設
穩坐疑驂赤駟遊
日晚繡牀嫌道冷
阿侯嬌放在橫頭

除夕吳山尋閱古泉雲壑諸舊蹟

天教妙手寫疎林
歲杪無愁一過尋
照座江光斜日迴
借梅春意薄寒侵
頻搜古刻忘崖蹇
共訪閒僧逐徑深
歸去青紅笑兒女
清遊誰識老夫心

道古堂詩集卷十五

道古堂詩集卷十六

仁和 杭世駿 大宗撰

嶺南集

酬丁處士餞送江口

娟娟隔岸山歷歷臨江樹搖搖獨客心
漠漠沙洲渡褰裳送行舟勞子遠來赴
去住各艱辛川涂莽回互征僑嗟不逢
芳華悵遲暮了思良會難始省初心誤
紆威入晚烟不辨烟中路飢禽解笑人
投老去邱墓

富春渚用謝康樂韻

川行漸清駛矯首見城郭宿雨收烟浮
初日出林薄洪

濤斂喧逐峭岸失奔錯轉疑大江濱別有小邱壑幽尋
阻遐深密意渺款託雲生滿窻陰風定一帆弱方期汗
漫遊未踐隱淪諾陶陶利涉心棲遲待潮落始悟遲速
程萬有皆尺蠖

七里瀨用康樂韻

讀書緬前修夙昔蘊嘉眺帆遲路轉紆景入山逾峭絕
代揖孤潛荒塗隱客曜魚銜墮葉沈鳴倚叢竹嘯披裘
旣沈冥晞髮亦宏妙共葆遺世情庶遠攢峰誦高臺蔓
荒烟千古仰垂釣手無竹如意叩舷未殊調

題嚴光傳後二首

堅臥難教姓氏埋至今嚴瀨有高臺若爲不著羊裘釣
更有何人物色來

一卷尙書受業新買驢給費劇艱辛廬江尙有韓同舍
只說先生是故人

三衢城下訪門人西安令高容不值用謝康樂贈

郭桐廬韻邵寄

匝月阻芳訊鬱鬱維子思弭棹太末城機舟水中坻官
事羈職守去任難自持所懷無由陳惻愴誰念茲旣失
握手歡復益離羣悲明當復來歸歲寒以爲期努力保
冷名遺子瑤華辭

玉山道中

一徑籃輿穩行吟復坐吟炊烟茅店午雲氣亂山陰送
客潺潺水穿崖磔磔禽野花無賴甚作意照塵襟

滕王閣

高閣登臨鬱古情片帆何惜翦波行青山睡起長橫几
白浪飛來半鬢城畫棟朝雲詞客去扁舟落日大江平
憑欄徒倚愁真劇那得同攜濁酒傾

南安蒙川館

侵晨緩帶石橋西爲訪蒙川迹偶稽孤寺族雲青入靄
坎泉添雨下成谿橫穿仄徑千盤迴俯瞰長江一綫低

莫笑容囊才思澀
霜毫畱待嶺邊題

梅嶺

絕險誰教一綫通
雄關橫截嶺西東
攬天路迴盤蛇細
拔地峰竒去雁空
戍艸亂侵蕭勃壘
陣雲遙墮尉陀宮
荒祠一拜張丞相
疏鑿真能邁禹功

峽山寺

江行屈折不知里
今朝真到峽山趾
屏風幾疊列門前
彷彿飛來靈鷲似
黃茆苦竹紛瓏犀
牛潭水清若空
舍舟徑穿側岸入
大樹櫺爽搖天風
山靈知我愛佳眺
導入三門轉清奧
山暉堂界二禺祠
帝子仙成顏尙少

振衣攬攬凌危臺數峰倒影風吹開綠蘿罨壁飛鳥絕
枯蘚滿洞清猿哀玉龍蜿蜒下峻阪蒼雪彌天晝疑晚
尋源更渡流香橋猛見飛流破巖壺崢嶸激響簷鐸暗
心魂洒濯毛髮森孤亭諒少熱客借絕壑疑有蒼龍吟
誰遣晶簾遮岫幌拖落天紳一千丈跳珠濺沫不肯休
要使多生首頻仰老僧對我長睂青花宮寂莫春長局
君不見勞勞塵世少仙骨難將常語酬山靈

武司馬

啓圖

招遊梅氏園林

牯牆圍碧草侵入門先覺樹蕭森攜筇仄徑巖苔滑
於眼危臺海氣陰玉澗萍開飛急雨石牀花動下幽禽

多君著意耽清賞解識天涯獨客心

龍祠避暑三首

曲磴織塵竹掃開石棋盤滑少莓苔生平畏見韋洪嗣
避向龍祠算劫來

朝來喚雨夜耕烟霧鬣冰鱗遍九天噴被藥師剛一誤
謫居塵海便千年

陽厓花木展山圖陰壑風雷闕玉符上藥太清誰第一
丹臺祇種石菖蒲

詠願上舍 大本 齋前槐樹十八年前其慈氏所手

植也

瘦榦過牆活，蘚黏老槐生。計稱孤潛穿，階月好濃鋪。席
度礪風多翠撲，檐目極宮雲。秋影迴心依，慈蔭晚愁添。
頻來飽看盤，挈勢羸得空廊盡。日淹

同張明府

甄陶

游海幢寺

羊城亦詩國，秀句說湯休。勝日耽禪味，清尊散旅愁。岸
移孤艇去，潮挾大江流。百尺紅樓迴，居然到上頭。
法真

洪亮三上
座皆能詩

三門仍面郭，溟漲到階灣。綠借秋前樹，青歸雨後山。雲
移花漸暝，風起鶴應還。不是雙旌動，經牀盡日閒。

短策煩師導，長廊路屈盤。靜禽語樂翠，想竹光寒馴。

鹿過經苑孤花覆石壇
頻來應換骨不用一九丹

楊氏園林

不向園丁問姓來爲尋詩地
小徘徊平臺活水穿應徧
小院濃陰撥不開花解客愁
當檻笑鳥窺人意踏枝回
招涼貪向筠廊立染得生衣
綠似苔

聖與圖爲沈鏞作

魯雩門外壇崔魏參覃灌木大
十圍龜山左顧帶沂水
差差綠漲初生肥聖門狂點見
大意童冠六七相因依
餘寒乍減試白袷雜花亂逐羣
鶯飛上已被除本國俗
此老胸次何祥襪解衣就水盤
薄羸那得遽免同川譏

臨深況有辱親懼教猱母乃行人誹魯論古本踵訛誤
小儒咋舌徒依違昌黎解經出巨手奮筆直改沿乎沂
此義皎如撥雲霧紛紜曲說皆當揮沈郎觀書鄙章句
志在擺脫塵中鞅謹謝冠者挈童子意取活潑流天機
紅鷺拍拍戲苒岸青芽短短抽蘆碕游絲颺空知繫日
暖風度水旋吹衣眼前生意收不盡好事往往傳郊扉
從遊一問子所善樊遲而後三人稀涵濡聖涯更得汝
上與狂者爭幾希城南莫景翳將入舞雩在縣城南七里濯濯皎
月流金輝三章試咏舒天紹攜幼緩緩循隄歸

送呂伊往主白沙講舍

白沙教澤衍無窮辛苦賢侯締造功書院清芬追李渤
學堂遺制仿文翁從容觀理源終濬次第研經義更豐
好與諸生守家法布袍茅筆迺高風

極目岡州一送君石翁遺蹟尙紛紛玲瓏精舍方廬阜
崢岨高臺寄楚雲匡海民風從古厚胥江學派到今分
東西齋壁無多地好寫先生戒嬾文

秋日獨上五層樓望海

千級層梯宛轉過浮雲棲棟下承阿樓船瀨水思楊僕
黃屋蠻荒笑尉陀蜃氣三春侵畫堞騶夷百戰息瑯戈
茫茫漲海東南去極目天涯涕淚多

九日曹孝廉達招遊光孝寺喜遇羅秀才元煥四

首

相期九日散清愁共向城西古寺遊樹葉翠含梁代雨

井波涼漱海門秋吟邊剩韻邀羅袞劫外零縑見貫休

卅載疲津慙臥佛又隨紅葉上經樓貫休畫應真羅漢一幅尚存寺中經

樓上有銅臥佛

開卷欣然不厭貧羣材百五看扶輪禪居深觀終輪汝

素館元風定少隣放士羈愁銷浩劫降王往事委微塵

只須更乞袈裟地多種黃花待旅人

齋厨曲傍翠琅玕爛煮松花恣意餐識字耕田慚兩負

打鐘掃地喜粗安，池光透日搖丹壁。
草色乘秋上古壇，俯仰便生身世感。
山僧只作勝遊看。

細數清歡盡日嘉，閒房深蘚徑蝸斜。
飈輪替戾金塗堦，

烟嶼參差玉畫叉。

寺僧出畫數種見跡

雲涌妬羅開寶網，風來陀

利散天花白頭嶺，外頻佳節得不驚心赴壑蛇。

南漢金塗鐵堦歌

香刹崢泓花雨歇，秋蘩匝地涼珠結。
華幢七級鬪莊嚴，湧立東西兩突兀。
稜尖蕞蕞刺天間，蕉葉盤盤卷雌蜺。
是誰畱此鎮山門，儼似巍峩雙闕揭。
我來開梵訶子林，衣上濃陰清可擷。
脩廊走徧寶坊開，捩眼香雲驚一瞥。

青苔繡蝕九蓮花勁骨橫撐孤竹節層層烟蓋透瓏玲
獵獵風輪轉替戾細尋銘字瘦蛟蟠淨剔霜花釵股折
僞號公稱大寶年傳家不改驕淫轍矯首江天三太息
往事茫茫更稱說昌華苑裏月如霜歌舞岡頭花似血
髡徒噓啖竊國鈞熏涿瞞天污朝列塗金定徵三品貢
鑄錯空糜六州鐵君不見天險頻爲荒宴移地脈潛教
媚川洩又不見洸祠枉殺邠廷瑁賀江晚起潘崇徹雙
女山前戰艦空流出降帆水嗚咽江南眼見死牽機西
蜀同時亦灰滅亡王獨爾保天年佛力居然佑顛蹶我
思縛帚埽遊塵梯恍難通徑路絕我思濡紙拓輕煤只

恐諸天嗔怪毒龍掣舟僧弔古起羈愁漸漸西烏澹將
沒摩挲千過飽興亡歸到虛堂轉駭屑

欖溪麥氏以昌華苑懷古題開社得詩千首順德

潘守戎

憲勳

獨冠一軍其潤筆則東坡全集而以

銀盃線紗薦茗昏筆副之亦數十年來一盛事也
守戎招同人集鏡巖山房賦詩以紀予亦有作

苑冷昌華鬱古情潘郎才調壓羣英月泉枉自誇吟社
忍笑清翁潤筆輕

東坡七集七璠瑒異代思公涕有餘讓爾一詩新換得
風流畱與采風書

謝耿三上舍

國藩

餉綠雪茶兼簡張司馬

汝霖

宣

城

一勝茅旗綠雪含敬亭山色此中參
愚山蒸焙漁洋句
又扇風流到嶺南

拱北樓

蕩蕩雙門勢鬱盤危樓直北拱長安
蓮花轉漏銅龍咽
雲葉棲簷鐵鳳寒
萬里行完初放眼
九秋悲後獨憑闌
朱明氣象層霄迥可許孤臣綵筆干

王欽州

士瀚

招集六榕寺

清晨到寺恰聞鐘
翹首坡書見六榕
法海安禪無怖鴿

香廚施食有天龍座收濕翠山形近衣襲寒雲增影重
多謝閒僧剛放梵肯將詩句慰衰慵

題雪堂贈僧

因紹

雪堂竟日掩斜暉禪榻茶烟用意微果熟不妨猿攫去
花開時見鳥銜飛清吟朗入三乘法綠蔭涼生七事衣
一筮近來長挂壁羨師真肯脫塵鞿

寄查三司馬

禮

柳州

別去剛三月離懷積萬重鴿原終古痛馬鬣幾時封世
事悲秋雨吾踪歎轉蓬隧銘思執筆真覺涕無從

令兄
蓮坡

墓志有諾責
者三年矣

寄顧詩揭陽

聞汝湖州任時時念故人不堪卅載別翻比在家貧援
手真無力開緘倍愴神梅花吾臭味好過嶺南春

大佛寺

銅佛青螺髻何時結化城僧房長對啟佛樹不孤撐飢
鳥聞鐘下香雲與屋平一秋頻到此只愛夕陽明

越秀山懷古

戔戔越秀山千古闕興替臺隍夷夏交月表秦楚際緬
維老夫陀荆棘此翦薙中原方逐虎兵甲惜勞弊從容
得闢疆屈疆遂稱帝帶海爲藩維草山作屏蔽不知漢

廣大頗恃兵鋒銳卓哉陸大夫一語豁蒙矐稱臣請內
屬蹶起解椎髻朝臺壓闔閭奕世永帶礪北晨誤遠圖
煽處乏調劑戈船下牂牁一往失重閉險設釁可乘時
衰力能制始知開國人貶損有深計清朝息金革曠宇
喜開霽秋風吹餘花孤客恣幽憇日落樹盤鴉潮來城
上囑江天雨蒼茫俯仰供流涕岌蕘腐史筆憑弔落荒
裔

小病

堽戶才知丈室深低頭拳足似霜禽風欺瘦骨先寒到
雨識羈愁趁夜侵高枕薄衾便短睡花鏡苦茗耐長吟

紅蕉葉暗蠻江外珍重緇衣適館心中丞枉札問疾

胡秀才世雄惠西施乳二器

鴟夷一去渚蓮枯網得春酥自五湖夢裏記曾緇錦袜
風前乍似解羅襦老思俊味聞香醉狂愛佳名稱意呼
蜚女喚教歌勸酒寒帷應妒玉肌膚

胡秀才所餉初以爲西施乳也發視乃西施舌更
成一首

華池清嘒漱寒漿一種芳馨意異常艷質洗空餘紺唾
霸圖銷盡剩脂香珠胎未滿應先剖玉盃初分得細嘗
羨殺吳儂占奇福不須私語絮夷光

題萬明府 承式 出獵圖

莽莽黃塵沒紫臺，輕禽狡兔互鳴哀。
西京一首揚雲賦，圍合煩君細寫來。

天低四野見牛羊，乞取燕然作獵場。
三十六熊同日射，更畱餘技埽天狼。

用山谷謝送礮賜壑源揀芽韻謝姜司馬 宏正 惠
仙人掌茶卽送之京師

姜侯禔躬凜圭璧，與我同鄉不相識。
昨見我詩知我瘦，贈我春芽滌南食。
城西行館共倚闌，清池照出揚且顏。
雕盤屑麪招近局，相約昏黃巖際宿。
紛紜官事強推排。

不得莎亭同秉燭歸來書堂說三禮孰與分渠辨涇渭
枯喉欲效毒龍噓燥吻居然渴驥似一餐飽啖束脩羊
苦味恰好澆詩腸嫩槍清映定甕綠石鼎小蒸松脂香
聞君鈴馱衝雪走酬爾新詩替尊酒

過晚成堂贈陳

華封

上舍

育賢坊路近喜得半千孫習嬾時欹枕甘貧早閉門醉
看雙樹直吟對碧池渾坐起關心問遺書幾卷存

金觀察

志章

家人不戒於火所著皆付焚如遠聞

搯擘弔之以詩

新宮三日火殘墨九秋哀電火搜崖壁魔風颺劫灰人

誰記亡篋天豈妒清才努力收餘燼先營避債臺書來備述

寄懷汪徵士沈

脈脈長孤坐迢迢憶故人艱虞逢儉歲辛苦養衰親江
水應生鯉秋山不出銀劇憐經久別雙鬢更愁新

萬壽果

五百冥靈豈是奇今朝真見萬年枝影烘瑞日排仙掌
葉度熏風集羽旗歷劫已超龍漢外植根想在葛盧時
野人芹曝思同獻仰答高天雨露私

得閩中故人書卻寄

鄉心長在雁歸前回首生涯意黯然奉使自慚非陸賈
傳經差喜得彭宣浮江客去剛三月謂吳雍吳珮增過嶺書來
動隔年坐待深更僧磬寂不堪依舊抱愁眠

雨中看山用方都講集中韻奉寄

窮陰洩寒雨枯坐轉鬱快誰調邱中琴竟掩烟際幌接
檐雨高松作意逗清響山形既朦朧風勢更蒼莽
如頽雲焉得遂豁爽一披謝女詩快若抓背癢看山復
聽雨永此茆屋賞明將理青鞋因汝遂孤往

原作

錢塘方芳佩芷齋

連朝掩扉臥襟懷殊怏怏重陰晝亦昏遠色潤書幌

忽聞山雨飛檐溜送清響開簾得奇觀林木何蒼翠
豈徒眼界清足使神情爽擁鼻一微吟揮毫技復癢
橫斜字半欹聊以記幽賞絕愛羣鴉雛衝烟自來往

哭厲徵君

鸚

驚才一代愧齊名力遜培風運海鯤小別遂成千古恨
百身難贖九秋魂清詞墜響文堂寂瘦影飄空野寺昏
細想平生遊在處終同阿買哭楓根

心傷鬼錄手頻掄可奈天先喪此人東郭冷過挑菜節
南湖淒斷采桑春等身著作憑公論任世風花付夙因
聞說神明真湛定彌畱猶自戀衰親

復衣升屋叫荒祠
掌夢無憑祇益悲
服散幾年疎酒伴
分香先日放歌姬
契丹已定傳疑史
天水空鐫本事詩

泉路定應尋月上
斷風零雨說相思

君著遼史拾遺期與余金史補闕並

刊宋詩紀事百卷已刊行月上其亡姬也

年年踪跡滯揚州
兩點金焦健筆收
翠壁分題香界暗

玉山高會艸堂秋
韓江烟月魂應戀
石友情懷老更稠

謂馬口他日來尋舊吟榻
不堪腸斷竹西遊

冬日曹孝廉約遊光孝寺喜潘守戎自鳳城適至

遂訪羅秀才於大雲山房聽得圓上人彈琴搦二

鐵槍字以歸

歲晚休百營人事謝膠牘局趨蒲廬蜷緬想香界潤嘴
侶計未果烟客忽排闥衣上鳳城雨孤峭見仙骨孝廉
來成三依倚蛩駝歷一笑策瘦藤共蹋蒼蘚滑訶林吾
故人濃綠昔所斐宛轉青豆房導入談理窟逆風旃檀
聞中有買鳥佛酸吟散餘花秀韻漱清樾脩廊招穎師
圍坐聽鈎撥妙手寫天機希聲得鋒筭幽冷應枯桐淒
風動華髮烟中兩相輪精氣未銷竭蓮趺半滿字汲古
所當核偃攜竹錐膳猛借智刃刷指摩出鋒稜摸認訂
遺闕證史悵古奢娛日咤今屹寬袍二三儒助我費胼
沫吉金閱恒沙寒鐵管與沒螭扁異鐘銘鈎畫駕翠謁

歐趙闕不收靈塔久抱屈謂宜亟編屨衆可吾亦曰幽
尋境漸窮循翫勢未歇風鏗借長明共此一醅酸齋鐘
漸散雲露槃不畱月惜景下寒階畱題誌牽拂

奉和堇浦二兄冬日遊光孝寺原韻

錢塘孫灝載黃

軟紅落衣襟脂車日膠輻清夢庾嶺梅故人海天闊
打門尺素書驚喜出房闥新詩纔到口秀韻欲侵骨
陳侯耽覓句論交蛩負壓把君五字吟示我剡藤滑
蕉花荔子鄉六榕誰所芟虞苑訪訶林王園奮禪窟
羣賢得領袖一身維仙佛言尋贊公房清池帶林樾

泠泠枯木音幽幽妙香撥冰炭忽入腸寒飈偏毛髮
惆恍境難留徘徊情未竭雙堦蓮花臺大寶年可核
鐵色苔蘚深字形圭角刷金紫中涓貴姓名幾殘闕
可憐僞漢銀失險粵山屹蓋海鼓洪濤游魚尚濡沫
金像俄銷沉昌華久蕪沒空餘六州鐵千秋壽頑碣
寶界頂初高降王膝終屈悲風墀鈴語低眉佛不曰
我昨凌扶胥揚舲片帆歇木棉紅正然珠江綠成醖
地聞南朝寺天剩古時月安得從子遊壇影風旛拂
歌筵有感亡姬成四斷句

好似吾家擁髻人驚鴻意態舞鸞身邀他一晌橫波溜

縱使無情也當春

年時綵筆艷脩門借畫雙蛾淡有痕今日不堪絲管脆
楚王筵上獨銷魂

三載粧臺鏡掩輝黃泉碧落兩依稀返魂術在生香斷
解使魂來是也非

銀燭千行照舞臺鮫宮有意閉珠胎歸來總是簾垂地
騎馬拚教犯夜回

漫與三首

冬廬蝨縮蟄蟲如默默冥冥抱膝居僮僕從史勤服散
親交敦勸少看書晚便絲竹供陶寫靜愛烟雲共卷舒

樹影未移山鳥下高寒門館果清虛

自分衰慵怯寢興卽看莫景轉飛騰寒廬幽味全虧雨
野處詩題半屬僧階草月明疑著雪水花風緊不成冰
鄰翁知負看山典許借過頭七尺藤

悠悠不是竟無才會炙韓蘇氣象來放腳欲騎鼈背雪
懷人頻折嶺頭梅浮生試借三車幟傲骨何妨五嶽堆
昨日短衣親掃塔遊人知是雪堂回

胡秀才惠黃獨

白髮誰能更變元感君黃獨慰衰顛採從玉室金堂地
鍊自青霞碧露天鴉背不須尋杞實龜牀相約養椿年

大清草木方猶在欲問華陽洞裏仙

耿三上舍以石栗見餉走筆賦謝

日南聞有石栗子高樹蟠根巖谷裏雲液蒼寒結漸成
海風擺磨扇不死殼如螺蚌剖纔開肉比橡芋味尤美
多愁鷓母啄來空還恐猿公攫無已楊孚志物見未曾
劉恂錄異獨遺爾湘門先生書通神側勢圓峰兩難擬
崢嶸碑版照四夷金帛連葦溢閭里何來急足擔兩囊
換得鵝籠剛一紙油窗念我瘦影寒倒皮平分走青兕
開槭失喜資博聞笑口張筭露脫齒少年志大輕世儒
一物不知引已恥耗磨心力老無能落腳蠻荒新睹此

癡兒嬌乞擷未休黠鼠飢偷銜不起堆盤細嚼慰枯腸
異味真堪動食指小年消夜又何求配點薑茶吾足矣
頃以湖筆詒耿上舍蒙以石粟子韻見酬復用前

韻答之

和歌握管者誰子商聲夜出茅屋裏橫掃能令散卓愁
苦吟要咒妖墓死興來擊鉢鬪孤清醉後臨池更流美
摩厓力擠王子端閉門心笑陳無已論交有道虻憐夔
絕藝能兼吾讓爾古人工書貴擇筆健腕從心憑所擬
吾家茗雪西復西捆載霜毫走萬里焙火牢黏鹿角膠
封題更裹竹膜昏銛如快刃斫鼃鼉圓若強弓射犀兕

柔如雲絮散角觥健若罡風磨鋸齒屠希程奕能爾爲
諸葛宣城見應恥水鄉絕技妙天下巨手惟君克稱此
遠山磨墨石闌斜咄咄毛錐呼躍起飄飄鸞鶴恣盤拏
拂拂雲霞効臂指大書照耀粵山隅下馬來觀歎止矣

禮部榜發

恩命落第舉子年逾耄耄者給與新銜當塗徐文靖授

檢討山陰王任湖海昌林玉藻皆授助教錢塘王

延年延年以助教竟晉司業尤蒙異數四君皆余所厚

喜而奉簡

白髮新承

聖主恩同時拜 命在脩門西清風月神仙貴東序鐘
鏞國子尊捧日頤教誇晚遇飲冰才得轉春溫從今結
伴還鄉去認取青衫雪涕痕

冬日雜詠

禁寒先乞短屏遮悴葉吹完草未芽一樣晴窗好風日
春前催放小桃花

一年最好雨瀟瀟靜吐紅花伴寂寥真箇臘深霜雪少
壓檐濃綠看芭蕉

飛飛幽鳥解依人攪幕穿簾日幾巡羈客算無閒眷屬
與卿同過太平春

戍削山衣露瘦痕銅匱熏透不曾溫箋天乞得黃綿襖
日上南樓獨負暄

感逝傷離百喟增阮狂嵇嬾又無能曉鐘初動攤經坐
只算堂頭粥飯僧

風颭寒燈一穗州眩搖銀海不相便道人勸洗菖蒲露
午看衆星猶在天

高城西去好孱顏霸氣銷沈夕照閒一望喜無雲隔斷
晴鴉飛過越王山

青荼一樹覆檐深幾日飄殘噪晚禽等是天涯雙禿鬢
樹猶如此我何任

小除日雨中同潘憲勳吳元洽作

復此小除日親知問訊疎江城紛莫雨飄灑滿寒廬短
睡添衣後清吟閉閣初只應呼老伴酌醴炙枯魚
一雨將愁至因風任意飄滿拚將盡臘同聽可憐宵脫
葉清分響烟江暗長潮登樓有羈客凝望思迢迢

道古堂詩集卷十六